

Nunani avannarlerni inatsiseqarnermut ministerinit ataatsimoorussamik nalunaarut

Digitaliusumik sullissiviit aqqissuussaasumik pinerluttuliornermut, matumani meeqqanik inuusuttunillu sulisussarsiortarnerat ilanngullugu, atornerlunneqartarnerini unammilligassat oqaluuserineqarnissaat siunertaralugu, Danmarkimi, Sverigimi, Norgemi, Kalaallit Nunaanni Savalimmiunilu inatsiseqarnermut miniterit Meta-mit, Google-mit, Snapchat-imit aamma TikTok-imit sinniisuutitat ullumikkut ataatsimeeqatigissavaat.

Inoqatinut attaveqaatit aamma kalerriissutinik paasiuminaallisakkanik sullissiviit ilungersunartumik pinerluttuliornernut aallaavittut atorneqannginnissaat pillugit qulakkeerinninnissamut annertunerusumik suliniuteqartoqartariaqartoq, inatsiseqarnermut miniterit isumaqatigiissutigaa.

Assigiinnik suliaqarfik immini nammineq piffissaagallartillugu qanoq iliuuseqarnissamik pisussaaffimminnut naammassinnissinnaanera aamma internettimut attaveqarnermi avatangiisit toqqissimasuunissaat isumannaatsuunissaallu pilersinniarlugit, saqqummiussiviutiminni torersaanissamut annertunerusumik akisussaaffimmik tigusinissaat, tassunga atatillugu pingaaruteqartorujussuuvoq. Tassunga atatillugu Meta-p, Google-p, Snapchat-ip aamma TikTok-ip tamarmik immikkut qanoq ilillutik tamanna qulakkeerniarlugu iliuusissanut pilersaarut ataatsimiinnermi saqqummiussimavaat.

Sullissisut taaneqartut tamarmik saqqummiussiviit toqqissisimanartut isumannaatsullu pilersinnissaannut tullerriarinnerminni annertuumik pingaartitsinerat, inatsiseqarnermut ministerit tusaatissatut tiguaat. Inuiaqatigiinni ajornartorsiutit annertuut pineqarmata, namminnerlu ajornartorsiutit aqqinneqarnissaannut ilanngussinissaminnut akisussaaffeqarnertik, tassunga atatillugu akuersaarpaat, matumani saqqummiussiviutiminni ingasaassinaveersaarneq aqutigalugu aamma oqartussaasut inatsisini aalajangersakkanik atortitsiniaasartut suleqatigineqarneri ilanngullugit.

Sullissiviit taakku taaneqartut, qanoq ilillutik saqqummiussiviutitik isumannaatsuunerulersinniarnissaat pillugit suliarfik ingerlateqqissagaat, inatsiseqarnermut ministerit naatsorsuutigaa, matumani tulliuttut suliarinerisigut:

- Aqqissuussaasumik pinerluttuliornernut digitaliusumik sullissiviit atornerlunneqartarnerisa pitsaaliorneqarnissaat akiorneqarnissaallu siunertaralugu, imarisaasut ingasaassinaveersaartuunissaanut atortorissaarutip atornerqarneranik ineriartortitseqqinneq, matumani inatsisinik unioqqutitsisunik imarisaasut imaluunniit saqqummiussiviup nammineq najoqqutassaatinut akerliusut peerneqartarnerisigut

- Inatsisit unioqputillugit imarisaasut ajornanngitsumik nalunaarutigineqartarnissaat qulakkiissallugu, kiisalu inatsisit unioqputillugit imarisaasut, imaluunniit saqqummiussiviup nammineq najoqputassaaminut akerliusut peerneqartarnissaat siunertaralugu, sukkasuumik naleqquttumillu nalunaarutit qisuariaateqarfigineqartarnissaat qulakkiissallugu
- Oqartussaasut inatsisini aalajangersakkanik atortitsiniaasartut sulii qaninnerusumik ingerlaavartumillu suleqatigineqarneranni ilaanikkut
- Nittartakkami innersuussissutip saqqummertup nittartakkamut allamut innersuussisarnera (out-link) pillugu politikkertik pillugu isumaliutiginnissasut, taamaalillutik atuisut quppernertut inatsisit unioqputillugit imalinnut imaluunniit nittartakkanut saqqummiussiviup nammineq najoqputassaataanut akerliusunut ingerlateqqinneqartannginniassammata
- Atuisut quppernertut inatsisit unioqputillugit imalinnut imaluunniit nittartakkanut saqqummiussiviup nammineq najoqputassaataanut akerliusunut ingerlateqqinneqannginnissaannut immikkut ittumik illersorniarlugit, algoritminik qulakkeerinnissallutik

Naggataagut Telegram-ip aamma Signal-ip aammattaaq ullormi ataatsimiiffiusumi qaaqquneqarsimanagerat, aamma taakku takkutinnginnerat, sullissiviit taakku oqartussaasunut suleqatigiissinniarneqarnerat pillugu ajornartorsiummik annertuumik takutitsisoq, inatsiseqarnermut ministerit inaarutaasumik maluginiarpaat.

Sullissivinnut suleqatiginnikkumanngitsunut tunngatillugu alloriarnerit sulii allat suut pisariaqartinneqarnerisut pillugit isumaliutiginnittoqarnissaanik pisariaqartitsisoqartoq, ministerit isumaqatigiissutigaa.

København ulloq 9. december 2024